

# INUIT ATAQATIGIIT

## Inatsisartuni



05. februar 2021

Inatsisartut Suleriaasianni § 37 imm. 1 naapertorlugu Naalakkersuisunut apequt imaattoq matumuuna saqqummiuppara.

### Naalakkersuisunut apequt:

1. Naalakkersuisut DCE-mut (National Center for Miljø og Energi) Kuannersuarni aatsitassarsiorniarnermi siunnersortitut atuinerminni aningaasat qanoq amerlatigisut ullumikkumut atorsimavaat?
2. DCE-p (Dansk National Center) innersuussutigaa annertunerusumik Kuannersuit tikillugit misissuinerit ingerlanneqartariaqartut, taanna naalakkersuisunit tusaanngitsuusaaginnarneqarpa?
3. Sunaana pissutigalugu Naalakkersuisut DCE-p (National Center for Miljø og Energi) innersuussutai malinnagit tusarniaanneq aallartikkaat?
4. DCE-p (Dansk center for Miljø og Energy) rapportinut tunngatillugu naliliinerani ima allassimasoqarpoq:  
*“Kiisalu misissuinermit inuit peqqissusaannut aamma qinngornernut ulorianartunut isumannaallisaanermut tunngasut naliliiffigineqarneri tamarmik ilaatinneqanngillat, tunngavissat taakku imaat DCEJGINR-ip avatangiisit pillugit piginnaasaqarfisa, aammalu EAMRA-p inatsisaasa avataaniimmata.”*  
Qaagut innuttaasut uranip- aatsitassallu qaqutigootut peqqissutsimut tunngasunik ilisimatuuinnik misilltagaqaqluurtunit paasititsiniaavigineqassappat?
5. Peqqissutsimut tunngasunik ilisimasaqavissunit innuttaasut paasititsiniaanissamik pilersaaruteqartoqanngippat tamanna sumik pissuteqarpa?

(Inatsisartunut ilaasortaq, Mariane Paviasen, Inuit Ataqatigiit)

### Tunngavilersuut:

DCE-p GINR-illu akissutaanni erserpoq ukiorpassuarni paasititsiniaasarnerni, paasititsiniaatinneqartartut (suliffeqarfik piaaniartup avataatigut) saniatigut Naalakkersuisoqarfimmit atorfilittaasarneri ilisimariikkagut peqqissutsimut tunngasunik paasititsiniaasinnaanermik piginnaasaat annikippallaarsimasut, tamanna paragraf 37-ikkut apeqummi nr: 200/2020-imi erserpoq. Ullumikkumut suli inuiaqatigiit aatsitassarsiorfiginiakkap Kuannersuiarnut tunngatillugu peqqissutsimut tunngasunik inatsisitigut tunngavissaqaratik ersarissumik paasititsiniaavigineqarnikuunngillat.

Aammalu pinngitsooratik akileraartartut misissueqqissaarnerup ingerlanerani naalakkersuisut siunnersortitut atorsimasaat DCE aamma GINR-ikkut akileeqaataasimassammata, tassungalu atatillugu paaserusunnarpoq suna pissutigalugu taakku innersuussutaat pingaarutillit naalakkersuisunit qarsutiinnarlugit tusarniaanerit aallartinneqarneri sumerpiaq tunngaveqarnerisut.

[200\\_2020\\_DCE\\_kuannersuit\\_MAPAV\\_akissut.pdf \(ina.gl\)](#)

Kissatigivara apequtikka ullut suliffiusut qulit qaangiutinnginneranni akineqarnissaat.